

Prilog 6.5.1. Specifični uslovi Moja TV usluge za rezidencijalne korisnike

1. Predmet Specifičnih uslova

Član 1.

- (1) Ovim Specifičnim uslovima Moja TV usluge za rezidencijalne korisnike (u daljem tekstu: Specifični uslovi) utvrđuju se uslovi pružanja/korištenja Moja TV usluge (u daljem tekstu: Moja TV) namijenjene rezidencijalnim korisnicima.
- (2) Za sve što nije regulisano ovim Specifičnim uslovima, na odgovarajući će se način primijeniti odredbe Opštih uslova za pružanje telekomunikacionih usluga BH Telecoma (u daljem tekstu: Opšti uslovi), Cjenovnika usluga u unutrašnjem i međunarodnom saobraćaju BH Telecoma (u daljem tekstu: Cjenovnik) i drugih specifičnih uslova usluga BH Telecoma koje pretplatnik/korisnik koristi.
- (3) Moja TV je usluga distribucije TV i radio kanala te ostalih audiovizuelnih sadržaja, koja se nudi kao samostalni paket ili integrisano sa fiksnom telefonskom uslugom i/ili uslugom širokopojasnog pristupa Internetu putem fiksne mreže. Pod fiksnom mrežom podrazumijeva se i fiksni bežični pristup.
- (4) Moja TV se pruža u mreži BH Telecoma i se sastoji od različitih osnovnih paketa, koji se razlikuju po broju komponenti, iznosima cijena mjesečne naknade i uključenim funkcionalnostima. Pored osnovnih paketa, Moja TV uslugu čine i dodatne usluge.

2. Uslovi za korištenje Moja TV usluge

Član 2.

- (1) Moja TV (za rezidencijalne korisnike) je namijenjena fizičkim licima (u daljem tekstu: Pretplatnik), koji Moja TV paket koristi isključivo u privatnom domaćinstvu, za lične potrebe i bez javnog prikazivanja.
- (2) Pretplatnik može biti i pravno lice ili fizičko lice u smislu važećih propisa o obrtu i srodnim djelatnostima u BiH, pod uslovom i uz garanciju da će ugovoreni Moja TV paket u konačnici koristiti isključivo fizičko lice za lične/privatne potrebe i bez javnog prikazivanja. U ovom slučaju, Pretplatnik (pravno lice ili fizičko lice u smislu važećih propisa o obrtu i srodnim djelatnostima u BiH) snosi punu odgovornost i odgovara za sve direktne i indirektno štete/posljedice ukoliko se Moja TV usluga koristi na drugačiji način.
- (3) BH Telecom će prihvatiti zahtjev za korištenje (u daljem tekstu: Zahtjev) Moja TV usluge, ukoliko su pored uslova definisanih Opštim uslovima ispunjeni i slijedeći tehnički uslovi (u daljem tekstu: Tehnički uslovi):
 - a) postoje tehnički preduslovi rada usluge na telekomunikacijskoj priključnoj liniji Pretplatnika;
 - b) postoje slobodni mrežni kapaciteti.
- (4) U slučaju da je Pretplatnik, prije samog podnošenja Zahtjeva, koristio neku od osnovnih usluga BH Telecoma (uključujući, ali ne ograničavajući se na: pristup Internetu putem fiksne mreže i/ili fiksni telefonski priključak) usluga/e i dalje ostaje/u aktivna/e, izuzev ako Pretplatnik nije podnio zahtjev za prestanak ugovora za istu/e ili ukoliko postoje ograničenja tehničke prirode.
- (5) Ukoliko je Podnosilac zahtjeva potpuno novi Pretplatnik BH Telecoma ili se radi o postojećem Pretplatniku, koji prilikom podnošenja zahtjeva za Moja TV paket ne otkazuje ranije korištene osnovne usluge BH Telecoma, tj. iste i dalje nastavlja koristiti zasebno, prilikom ugovaranja korištenja Moja TV usluge, Pretplatniku će se, a u skladu sa sadržajem zahtijevanog paketa, dodijeliti:
 - a) novi fiksni telefonski broj;
 - b) novo korisničko ime i lozinka za uslugu pristupa Internetu;
 - c) ID i PIN za MojaTV uslugu.
- (6) Ukoliko je podnosilac Zahtjeva postojeći Pretplatnik jedne ili više osnovnih usluga BH Telecoma, Pretplatniku će se u skladu sa zahtijevanim Moja TV paketom i tehničkim mogućnostima zadržati postojeći fiksni telefonski broj i/ili korisničko ime i lozinka za uslugu pristupa Internetu, a dodijeliti ID i PIN za Moja TV. Izuzetno, postojećem Pretplatniku se može dodijeliti i novi telefonski broj, a zavisno od tehničkih preduslova ili samog zahtjeva Pretplatnika.

Član 3.

Moja TV paket i dodatne usluge se realizuju u skladu sa Cjenovnikom, a na osnovu dostupnih tehničkih mogućnosti na lokaciji Pretplatnika. Ukoliko na lokaciji Pretplatnika ne postoje potrebne tehničke mogućnosti za zahtijevani Moja TV paket, korisniku će se ponuditi zamjenski paket iz Cjenovnika.

3. Ugovor i uslovi plaćanja

Član 4.

- (1) Ugovor za pružanje/korištenje Moja TV usluge se zaključuje na:
 - a) neodređeno vrijeme; ili
 - b) neodređeno vrijeme sa obaveznim trajanjem od 24 mjeseca, po osnovu čega Pretplatnik, ostvaruje pravo korištenja benefita u skladu sa Cjenovnikom.
- (2) Pretplatnik ima mogućnost ugovaranja obaveznog trajanja sa probnim periodom od 30 dana, u toku kojeg ima pravo na raskid ugovora za Moja TV u skladu sa članom 19. ovih Specifičnih uslova.
- (3) Probni period se računa kao dio ukupnog perioda obaveznog trajanja ugovornog odnosa.
- (4) Ukoliko Pretplatnik u toku probnog perioda ne podnese zahtjev za raskid zaključenog ugovora, najkasnije 30-ti dan od dana aktivacije Moja TV usluge, Pretplatnik će automatski nastaviti koristiti Moja TV uslugu po uslovima i cijenama utvrđenim u Cjenovniku, Specifičnim uslovima i odredbama zaključenog ugovora.
- (5) Pravo na probni period imaju svi novi Pretplatnici, uz mogućnost izbora bilo kojeg Moja TV paketa iz ponude BH Telecoma, te Pretplatnici kojima je isteklo 12 mjeseci od prethodno korištenog probnog perioda na istoj lokaciji priključka.
- (6) Ukoliko postojeći Pretplatnik BH Telecoma podnosi Zahtjev bez ugovaranja obaveznog trajanja, a pri tome otkazuje ranije korištenu osnovnu uslugu/paket uz koju/i je kupljena terminalna/asemblirana oprema/uređaj, odnosno, Pretplatnik je još uvijek pod ugovorom sa obaveznim trajanjem po osnovu asemblirane usluge BH Telecoma, njegov zahtjev za Moja TV uslugu bit će prihvaćen pod uslovom da podnese zahtjev za prijevremeni prestanak ugovornog odnosa za asembliranu uslugu uz izmirenje svih obaveza po osnovu prekida obaveznog trajanja.
- (7) Ukoliko postojeći Pretplatnik podnosi Zahtjev uz ugovaranje obaveznog trajanja na period od 24 mjeseca, sa ili bez probnog perioda, te pri tome otkazuje ranije korištenu osnovnu uslugu/paket uz koju/i je kupljena terminalna/asemblirana oprema/uređaji, odnosno Pretplatnik je još uvijek pod ugovorom sa obaveznim trajanjem po osnovu asemblirane usluge BH Telecoma, njegov zahtjev za Moja TV uslugu bit će prihvaćen pod uslovom da:
 - a) podnese zahtjev za prijevremeni prestanak ugovornog odnosa sa obaveznim trajanjem za asembliranu uslugu uz izmirenje obaveza po osnovu prijevremenog prekida; ili
 - b) prihvati opciju prenošenja svih ugovorenih obaveza (mjesečne rate, popusti itd.), po osnovu kupljene terminalne/asemblirane opreme/uređaja u okviru asemblirane usluge, na novi ugovor za Moja TV uslugu.
- (8) U slučaju da Pretplatnik prihvati opciju prenošenja svih ugovorenih obaveza, prethodni stav, tačka b), Pretplatnik može:
 - a) izmiriti sve preostale mjesečne rate za kupljenu terminalnu/asemblirani opremu/uređaj odjednom uz prenošenje obaveznog trajanja po osnovu ugovora kojim je ugovorena asemblirana usluga; ili
 - b) nastaviti plaćati mjesečne rate za kupljenu terminalnu/asemblirani opremu/uređaj po ranije ugovorenom otplatnom planu, a iste će se ispostavljati na novom računu za korištenje Moja TV usluge.
- (9) U slučaju da Pretplatnik u toku obaveznog trajanja (uključujući probni period) podnese zahtjev za kupovinu terminalne opreme/uređaja iz asemblirane ponude BH Telecoma, uz ugovaranje obaveznog trajanja po osnovu asemblirane usluge, ukoliko je to omogućeno važećom ponudom asemblirane usluge, prekida se probni period i nastupa korištenje Moja TV usluge po uslovima i cijenama utvrđenim u Cjenovniku, čije je obavezno trajanje počelo teći od dana aktivacije Moja TV paketa.
- (10) Cijena pristupa, cijena mjesečne naknade, kao i svi drugi jednokratni i mjesečni troškovi proizašli korištenjem Moja TV usluge od strane Pretplatnika, ispostavljaju se na jednom mjesečnom računu.

- (11) Mjesečna naknada koja se naplaćuje za korištenje Moja TV usluge ne uključuje RTV taksu koja se plaća u skladu sa relevantnim zakonom.

4. Karakteristike Moja TV paketa

Član 5.

- (1) Detaljan sadržaj Moja TV paketa i dodatnih usluga definisan je u Cjenovniku.
- (2) U slučaju različitih informacija o Moja TV između zvanične Internet stranici BH Telecoma i Cjenovnika, prednost u primjeni i tumačenju ima Cjenovnik.

Član 6.

- (1) Pregled programske šeme određenog TV kanala je moguć putem elektronskog programskog TV vodiča, to jeste, putem EPG usluge. Informacije o programskoj šemi određenog TV kanala zavise od pružaoca istog te su moguće promjene bez prethodne najava.
- (2) Pretplatniku je omogućena funkcija roditeljskog nadzora sadržaja (eng. Parental lock) u okviru Moja TV usluge, što podrazumijeva onemogućavanje prikazivanja neželjenog TV kanala.
- (3) Moja TV omogućava i interaktivne sadržaje kojima se upravlja putem TV aparata, preciznije, putem Moja TV menija (Moja TV interface).
- (4) TimeShift je funkcionalnost Moja TV usluge koja Pretplatniku nudi mogućnost naknadnog gledanja TV kanala koje BH Telecom učini dostupnim. Pretplatnik jednostavnim izborom iz EPG-a može odabrati sadržaj na TV kanalu koji je propustio u prethodnih nekoliko dana i isti pogledati onoliko puta koliko želi (sve dok je sadržaj / TV kanal dostupan). Usluga je uključena svim korisnicima u osnovnom paketu, a o dostupnosti usluge za pojedine TV kanale korisnici se mogu informisati putem TV menija ili putem Kontakt centra za podršku korisnicima BH Telecoma.

Član 7.

Fiksna telefonska usluga, sadržana u Moja TV paketima, podrazumijeva jedan telefonski priključak sa skupom dodatnih telefonskih servisa/usluga definisanih u Cjenovniku.

Član 8.

Usluga pristupa Internetu putem fiksne mreže koja je sadržana u određenom Moja TV paketu podrazumijeva uslugu sa neograničenim (flat) Internet pristupom na „fer osnovi“, sa skupom određenih dodatnih Internet usluga definisanih u Cjenovniku.

5. Dodatne usluge/opcije

Član 9.

- (1) Pretplatnik osnovnih Moja TV paketa može aktivirati dodatne TV, govorne i Internet usluge/opcije.
- (2) Pretplatniku je u vidu dodatne usluge omogućeno korištenje Moja TV usluge na dva dodatna TV aparata/prijemnika, pod uslovom da na lokaciji Pretplatnika za to postoje tehnički preduslovi. U specifičnom slučaju, kada ne postoji mogućnost pružanja usluge na dodatnom TV aparatu/prijemniku, Pretplatniku će se, uz njegovu saglasnost, realizovati usluga alternativnim tehničkim rješenjem koje može potencijalno uticati na kvalitet usluge pristupa Internetu putem fiksne mreže na način da se dodijeljeni propusni opseg za Internet uslugu dijeli sa opsegom potrebnim za realizaciju TV usluge na dodatnom aparatu/prijemniku.

- (3) Pretplatnicima omogućeno je iznajmljivanje pojedinačnih, samostalnih ili paketa video sadržaja poput filmova, serija, sportskih utakmica i dr. u okviru dodatne usluge Moja TV Videoteka ili drugih sličnih dodatnih usluga definisanih Cjenovnikom.
- (4) Dodatna usluga Moja TV Snimalica Pretplatnicima omogućava samostalno snimanje određenih sadržaja (TV kanala) korištenjem mrežnih resursa BH Telecoma. Karakteristike navedene dodatne usluge su:
 - a) Nakon izvršene aktivacije navedene usluge, korisnik kroz EPG bira željeni sadržaj i pokreće snimanje.
 - b) Snimljeni sadržaji su dostupni za gledanje tokom određenog perioda (u skladu sa Cjenovnikom), i to bez ograničenja na broj gledanja.
 - c) Snimljeni sadržaj se ne može i ne smije arhivirati, snimiti ili na bilo koji drugi način pohraniti na korisničkoj ili drugoj opremi.
 - d) BH Telecom će omogućiti Moja TV Snimalicu za one sadržaje za koje su distributeri ili vlasnici programskih sadržaja dali ovlaštenje.
 - e) Korisnik se obavezuje da snimljene sadržaje neće koristiti u bilo koje svrhe koje su suprotne ovim Specifičnim uslovima (dalja distribucija/emitovanje, snimanje, manipulisanje, javno emitovanje, itd.).
 - f) BH Telecom zadržava pravo da, bez posebnog upozorenja za Pretplatniku, za određene sadržaje, a po zahtjevu distributera ili vlasnika tih programskih sadržaja, onemogući korištenje usluge Moja TV Snimalica ili izbriše već snimljene sadržaje.

6. Korištenje osobnih identifikacijskih brojeva za MojaTV uslugu

Član 10.

- (1) Za potrebe korištenja Moja TV usluge Pretplatnik dobiva tri osobna identifikacijska broja (eng. Personal Identification Number – PIN: (u daljem tekstu: PIN):
 - a) Identifikacijski broj (eng. Account ID);
 - b) Glavni PIN (eng. Master PIN);
 - c) PIN za roditeljsku kontrolu (eng. Parental PIN).
- (2) Identifikacijski broj omogućava Pretplatniku aktivaciju Moja TV usluge prilikom prvog korištenja.
- (3) Glavni PIN omogućava Pretplatniku da izvrši slijedeće radnje:
 - a) Aktivaciju Moja TV usluge;
 - b) Postavljanje glavnih postavki;
 - c) Kupovinu sadržaja i usluga.
- (4) PIN za roditeljsku kontrolu omogućava postavljanje funkcionalnosti roditeljske kontrole sadržaja.
- (5) BH Telecom daje Pretplatniku početni Glavni PIN i PIN za roditeljsku kontrolu s tim da su inicijalno oba PIN-a podešena na istu vrijednost (jednaka), a Pretplatnik ima mogućnost da putem menija Moja TV usluge iste promijeni i podesi na proizvoljne vrijednosti.

7. Oprema/uređaji

Član 11.

- (1) BH Telecom će Pretplatniku Moja TV paketa, zavisno od uključenih usluga, obezbjediti potrebnu pristupnu terminalnu opremu / uređaje za funkcionisanje usluga (ova oprema ne podrazumijeva krajnji korisnički uređaj kao što su TV aparat, računar, mobilni telefon i sl.).
- (2) Ukoliko je Pretplatnik sa BH Telecomom za Moja TV zaključio ugovor na neodređeno vrijeme bez obaveznog trajanja, i pri tome koristi set opreme koja je u vlasništvu BH Telecoma, obavezan je plaćati naknadu za korištenje opreme u skladu sa Cjenovnikom.
- (3) Ukoliko je Pretplatnik sa BH Telecomom potpisao Ugovor sa obaveznim trajanjem od 24 mjeseca sa ili bez probnog perioda, oslobođen je plaćanja naknade za korištenje opreme u skladu sa Cjenovnikom.
- (4) Pretplatniku je, u skladu sa Cjenovnikom, omogućeno korištenje i dodatne pristupne terminalne opreme/uređaja.

- (5) Sva oprema data Pretplatniku na korištenje, ostaje trajno u vlasništvu BH Telecoma i njeno održavanje je u nadležnosti BH Telecoma tokom cijelog perioda trajanja ugovornog odnosa.
- (6) Pretplatnik je dužan opremu, koju je dobio na korištenje, čuvati i koristiti prema uputama BH Telecoma, kako bi se oprema održala u ispravnom stanju.
- (7) Ukoliko dođe do oštećenja uzrokovanih neprimjerenim korištenjem opreme, Pretplatnik se obavezuje BH Telecomu nadoknaditi nastalu štetu.
- (8) U slučaju prestanka Ugovora, iz bilo kojeg razloga, Pretplatnik je dužan vratiti BH Telecomu korištenu opremu.

8. Promjena paketa

Član 12.

- (1) Pretplatnik ima pravo promijeniti korišteni Moja TV paket, ukoliko za promjenu postoje Tehnički uslovi, samo jednom u toku istog obračunskog perioda (jednom mjesečno).
- (2) Pretplatnik koji je zaključio ugovorni odnos sa probnim periodom od 30 dana, ima pravo promijeniti korišteni Moja TV paket tek po isteku probnog perioda.
- (3) Ukoliko Pretplatnik podnese zahtjev za promjenu paketa u toku obaveznog trajanja ugovora, promjena paketa neće podrazumijevati produženje obaveznog trajanja, već će se Pretplatniku obavezno trajanje ranije korištenog paketa nastaviti pri korištenju novog Moja TV paketa.
- (4) Prilikom promjene Moja TV paketa, Pretplatniku je, ukoliko postoje Tehnički uslovi, omogućeno i ugovaranje korištenja zasebne usluge kao zamjene za korištenu uslugu iz Moja TV paketa, i to:
 - a) fiksni telefonski priključak BH Telecoma, kao zamjena za fiksnu telefonsku uslugu sadržanu u Moja TV paketu, uz uslove i cijene definisane važećim Cjenovnikom;
 - b) pristup Internetu putem fiksne mreže (netFlat paketi iz redovne ponude, izuzev paketa NetFlat Office), kao zamjena za uslugu pristupa Internetu putem fiksne mreže sadržanu u Moja TV paketu, uz uslove i cijene definisane Cjenovnikom.

9. Promjena lokacije priključka

Član 13.

- (1) Promjena lokacije priključka na zahtjev Pretplatnika bit će omogućena pod uslovom da postoje Tehnički uslovi, te pod uslovima i cijenama utvrđenim u Opštim uslovima i Cjenovniku.
- (2) Pretplatniku koji je zaključio ugovorni odnos sa probnim periodom od 30 dana, promjena lokacije priključka na zahtjev bit će omogućena po isteku probnog perioda.
- (3) Ukoliko ne postoje tehnički uslovi za omogućavanje korištenja Moja TV usluge na traženoj geografskoj lokaciji, označenoj u zahtjevu, BH Telecom će izvršiti isključenje pretplatničke terminalne opreme na ranijoj adresi, uz obavijest Pretplatniku o nemogućnosti realizacije promjene lokacije priključka i potrebi realizacije postupka prestanka ugovora za korištenje Moja TV usluge.

10. Privremeno isključenje

Član 14.

- (1) BH Telecom može privremeno isključiti/onemogućiti Pretplatniku korištenje Moja TV paketa ukoliko se utvrdi postojanje nekog od razloga za privremeno isključenje u skladu sa Opštim uslovima, ovim Specifičnim uslovima i Cjenovnikom.
- (2) Pretplatniku koji je zaključio Ugovor na neodređeno vrijeme bez obaveznog trajanja, BH Telecom će na osnovu zahtjeva omogućiti privremeno isključenje, po uslovima i cijenama utvrđenim u Opštim uslovima i Cjenovniku.
- (3) U slučaju privremenog isključenja iz razloga za koje nije odgovoran BH Telecom, Pretplatniku će se obračunati i naplatiti mjesečna naknada za Moja TV paket, zakupljene dodatne usluge, te eventualne naknade za korištenu terminalnu opremu

(4) Ponovno uključenje izvršiti će se po uslovima i cijenama utvrđenim u Opštim uslovima i Cjenovniku.

11. Obaveze Pretplatnika

Član 15.

- (1) Pretplatnik je odgovoran za primjenu svih sigurnosnih i drugih mjera potrebnih za zaštitu pretplatničke opreme, računarskih programa i podataka.
- (2) Pretplatnik daje BH Telecomu izričitu saglasnost za obradu svih podataka (na primjer: identifikacija korisnika – identifikacijski broj računa, MAC i IP adresa Moja TV uređaja, identifikacijski i/ili PIN za roditeljsku kontrolu, vrijeme korištenja pojedine usluge, vrsta korištenog sadržaja i sl.) koji su nužni u cilju ispravnog:
 - a) pružanja Moja TV paketa tokom ugovornog odnosa,
 - b) pružanja dodatnih usluga,
 - c) obračuna i naplate,
 - d) rješavanja žalbi,
 - e) naplate potraživanja,
 - f) provjere kvalitete pružene usluge/a.
- (3) Pretplatnik se obavezuje držati u strogoj tajnosti te čuvati s osobito velikom pažnjom, pogotovo od neovlaštenog pristupa, sve lične identifikacijske brojeve, broj ugovora za Moja TV, te ostale identifikacijske brojeve i/ili PIN-ove, korisnička imena/lozinke dodijeljene od strane BH Telecoma za vrijeme trajanja ugovornog odnosa s BH Telecomom.
- (4) Pretplatnik je isključivo odgovoran za svaku radnju, uključujući svako očitovanje volje dato pod bilo kojom od identifikacijskih oznaka Pretplatnika. Svaka navedena radnja će se smatrati radnjom isključivo onog Pretplatnika kojem je takva identifikacijska oznaka dodijeljena odnosno o čijoj se identifikacijskoj oznaci se radi.
- (5) Pretplatnik garantuje da će Moja TV uslugu koristiti poštujući autorska i druga srodna prava u pogledu sadržaja i TV kanala koji se uslugom prenose.
- (6) Zabranjeno je svako neovlašteno snimanje, umnožavanje, manipulisanje, dalja distribucija i emitovanje TV kanala i sadržaja koji su dio Moja TV usluge.
- (7) Pretplatnik garantuje da će Moja TV uslugu koristiti za svoje privatne potrebe te istu neće ni na koji način učiniti dostupnom javnosti u smislu važećih propisa o autorskim i srodnim pravima, a posebno garantuje da uslugu neće koristiti u zajedničkim ili javnim prostorijama bilo koje vrste uključujući, ali ne ograničavajući se na, zajedničke ili javne prostorije u ugostiteljskim objektima, bolnicama, autobuskim stanicama i drugim sličnim otvorenim ili zatvorenim mjestima.
- (8) Kršenje obaveza iz ovog člana predstavlja bitnu povredu ugovora za Moja TV uslugu te Pretplatnik odgovara BH Telecomu za svu štetu i posljedice koje direktno ili indirektno nastane zbog takvog postupanja.

12. Smetnje

Član 16.

Pretplatnik je upoznat da, u slučaju otklanjanja eventualno nastalih smetnji tokom korištenja Moja TV usluge, TV komponenta ima prioritet u odnosu na druge komponente u okviru Moja TV paketa.

13. Ograničenje odgovornosti za sadržaj

Član 17.

- (1) BH Telecom je distributer TV/radio kanala te nije odgovoran za sadržaj i formu sadržaja u okviru TV i radio kanala koji se nude putem Moja TV usluge.
- (2) BH Telecom nema ovlasti da nadgleda/kontroliše TV/radio kanale u pogledu sadržaja kojeg emituju te posljedično tome ne provjerava čine li TV/radio kanali svojim emitovanjem povredu nekih od zakonom zaštićenih prava. U skladu sa navedenim, BH Telecom nije odgovoran za bilo koje posljedice koje mogu nastati zbog emitovanih sadržaja na TV/radio kanalima.

- (3) BH Telecom ne snosi odgovornost za eventualna privremena zatamnjenja pojedinih TV/radio kanal, koja mogu nastupiti jer TV/radio kanal nema prava da se određeni sadržaj emituje u tom trenutku na teritoriji BiH.
- (4) BH Telecom će na zahtjev emitera (TV/radio kanala) izvršiti zatamnjenje određenog sadržaja, uz informaciju Pretplatnicima o tome.
- (5) BH Telecom nije odgovoran za bilo koju štetu koja bi mogla nastati kao posljedica netačnih, nepotpunih ili nepostojećih informacija u okviru EPG usluge.
- (6) BH Telecom zadržava pravo izmjene broja, vrste i pojedinačnih TV/radio kanala u okviru Moja TV paketa.
- (7) BH Telecom nije odgovoran za nemogućnost pružanja Moja TV usluge ukoliko je nemogućnost izazvana višom silom. Događaj više sile je događaj izvan kontrole i nezavisan od volje stranaka, koji se nije mogao predvidjeti ili izbjeći poduzimanjem odgovarajuće radnje. Događaji više sile uključuju, ali nisu ograničeni na: zemljotrese, poplave, rat, pobunu ili ratno stanje, štrajkove, onemogućavanje rada, bojkote i druge oblike prestanka rada, državni embargo, restrikcije, teroristička djela i slično.

14. Prestanak Ugovora

Član 18.

- (1) U slučaju prijevremenog prestanka ugovora u toku obaveznog trajanja, na zahtjev ili krivicom Pretplatnika, Pretplatnik je obavezan platiti korištenje opreme/uređaja za onaj period u kojem je oprema korištena, tj. izmiriti sve mjesečne naknade za korištenu opremu, a za koje je bio oslobođen plaćanja u skladu sa ugovorom.
- (2) Pored navedenih obaveza iz prethodnog stava, u slučaju prestanka ugovora na zahtjev ili krivicom Pretplatnika, Pretplatnik je obavezan ispuniti i sve druge obaveze u skladu sa ugovorom, Opštim uslovima i Cjenovnikom, odnosno Pretplatnik je obavezan izmiriti sve redovno dospjele obaveze, kao i sve druge eventualno dospjele obaveze iz osnova obaveznog trajanja ugovornog odnosa, koje uključuju, ali se ne ograničavaju na vraćanje iskorištenih popusta i sl., kao što je obaveza Pretplatnika, koji je zaključio ugovor sa obaveznim trajanjem u cilju ostvarivanja niže cijene mjesečne pretplate osnovnog paketa, prema kojoj je obavezan jednokratno platiti (dospijeva na naplatu odmah) iznos svih dodijeljenih popusta na cijenu mjesečne naknade osnovnog paketa.
- (3) U slučaju prestanka ugovora na zahtjev Pretplatnika u toku probnog perioda od 30 dana, Pretplatnik je oslobođen izmirenja obaveza po osnovu obaveznog trajanja ugovora za korištenje Moja TV paketa navedenih u stavu (1) ovog člana kao i izmirenja obaveza vraćanja dodijeljenog popusta na cijenu naknade za osnovni paket koji se dodijeli u slučaju zaključivanja ugovora sa obaveznim trajanjem.
- (4) U slučaju prestanka ugovora na zahtjev Pretplatnika u toku probnog perioda od 30 dana, Pretplatnik je obavezan platiti naknadu za pristupnu taksu, mjesečnu naknadu za osnovni paket, naknadu za dodatne usluge te realizovani saobraćaj za taj period korištenja.
- (5) Prilikom podnošenja zahtjeva za prestanak ugovora o korištenju Moja TV paketa usluga, Pretplatniku je omogućeno, ukoliko postoje Tehnički uslovi, istovremeno ugovaranje korištenja zasebne usluge/a kao zamjene za korištenu uslugu iz Moja TV paketa i to:
 - a) fiksni telefonski priključak, kao zamjena za fiksnu telefonsku uslugu sadržanu u Moja TV paketu, uz uslove i cijene definisane Cjenovnikom;
 - b) pristup Internetu putem fiksne mreže (netFlat paketi iz redovne ponude, izuzev paketa NetFlat Office), kao zamjena za uslugu pristupa Internetu putem fiksne mreže sadržanu u Moja TV paketu, uz uslove i cijene definisane Cjenovnikom.
- (6) Vrsta zamjenske usluge, čije korištenje je Pretplatniku omogućeno na osnovu prethodnog stava, zavisit će od sadržaja ranije korištenog Moja TV paketa i Tehničkih uslova.
- (7) U slučaju prestanka ugovora, uslijed tehničke nemogućnosti promjene lokacije priključka, Pretplatnik je oslobođen obaveze plaćanja (stav (1) ovog člana) mjesečne naknade za korištenje instalirane terminalne opreme/uređaja za Moja TV paket.

- (8) U slučaju prestanka ugovora, uslijed tehničke nemogućnosti promjene lokacije priključka, BH Telecom će Pretplatniku omogućiti da zaključi ugovor za korištenje pojedinačne/ih usluga BH Telecoma navedenih u stavu (5) ovog člana bez plaćanja cijene/a pristupa usluzi.

15. Reklamacije/prigovori, trajno isključenje i zahtjev za prestanak ugovornog odnosa usljed nefunkcionisanja usluge

Član 19.

- (1) U slučaju opravdanih reklamacija/prigovora pretplatnika na nefunkcionisanje Moja TV usluge, Pretplatnik se, za broj dana nefunkcionisanja usluge iz razloga na strani BH Telecoma, oslobađa plaćanja:
- mjesečne naknade za korištenje osnovnog paketa (srazmjerno broju dana);
 - mjesečne naknade za korištenje dodatnog/ih paketa i/ili usluga koju/e zbog smetnje/prekida u radu nije mogao koristiti (srazmjerno broju dana).
- (2) U slučaju prestanka ugovornog odnosa, zbog nefunkcionisanja Moja TV paketa, iz razloga na strani BH Telecoma, pretplatnik se pored plaćanja svih troškova za broj dana nefunkcionisanja usluge definisanih u stavu (1) ovog člana dodatno oslobađa plaćanja obaveza koje nastaju po osnovu prijevremenog prekida obaveznog trajanja ugovornog odnosa zaključenog radi korištenja osnovnog paketa (ne odnosi se na obaveze po osnovu prijevremenog prekida ugovora za kupovinu uređaja/opreme iz asemblirane ili partnerske ponude BH Telecoma).
- (3) U slučaju prestanka ugovornog odnosa, zbog nefunkcionisanja Moja TV paketa, iz razloga na strani BH Telecoma, BH Telecom će pretplatniku, ukoliko postoje Tehnički uslovi, omogućiti ugovaranje korištenja zasebne usluge bez plaćanja cijene/a pristupa usluzi, i to:
- fiksni telefonski priključak, kao zamjena za fiksnu telefonsku uslugu sadržanu u Moja TV paketu, uz uslove i cijene definisane Cjenovnikom;
 - pristup Internetu putem fiksne mreže (netFlat paketi iz redovne ponude, izuzev paketa NetFlat Office), kao zamjena za uslugu pristupa Internetu putem fiksne mreže sadržanu u Moja TV paketu, uz uslove i cijene definisane Cjenovnikom.

16. Završne odredbe

Član 20.

- (1) Specifični uslovi dostupni su na prodajnim mjestima BH Telecoma i na službenoj Internet stranici BH Telecoma www.bhtelecom.ba.
- (2) BH Telecom zadržava pravo izmijene ovih Specifičnih uslova u skladu sa primjenjivim propisima.
- (3) BH Telecom će ove specifične uslove i njihove kasnije izmjene i dopune objaviti i učiniti dostupnim na način utvrđen pravilima Regulatorne agencije za komunikacije Bosne i Hercegovine.

Prilog 6.5.2. Specifični uslovi Moja TV Biz usluge

1. Predmet Specifičnih uslova

Član 1.

- (1) Ovim Specifičnim uslovima Moja TV Biz usluge (u daljem tekstu: Specifični uslovi) utvrđuju se specifičnosti pružanja i korištenja Moja TV Biz usluge (u daljem tekstu: Moja TV Biz) koja se pruža u mreži BH Telecoma.
- (2) Za sve što nije regulisano ovim Specifičnim uslovima na odgovarajući će se način primijenit odredbe Opštih uslova za pružanje telekomunikacionih usluga BH Telecoma (u daljem tekstu: Opšti uslovi), Cjenovnika usluga u unutrašnjem i međunarodnom saobraćaju BH Telecoma (u daljem tekstu: Cjenovnik) i drugih specifičnih uslova usluga BH Telecoma koje Pretplatnik/Korisnik koristi.
- (3) Moja TV Biz podrazumijeva uslugu koja se sastoji od distribucije TV kanala i ostalih sadržaja/funkcionalnosti, preciznije, Moja TV Biz usluga podrazumijeva isporuku TV kanala, ostalih audiovizuelnih sadržaja, radio kanala, interaktivnih sadržaja, te ostalih multimedijalnih sadržaja i funkcionalnosti.

2. Uslovi za korištenje Moja TV Biz

Član 2.

- (1) Pretplatnik Moja TV Biz (u daljem tekstu: Pretplatnik), u skladu sa ovim Specifičnim uslovima, može biti pravno lice i fizičko lice u smislu važećeg Zakona o obrtu Federacije BiH, izuzev hotela, ako na lokaciji priključenja postoje uslovi za pružanje Moja TV Biz, te ukoliko Pretplatnik uslugu koristi u prostorima u kojim obavlja svoju djelatnost.
- (2) BH Telecom će prihvatiti Zahtjev za Moja TV Biz ukoliko su pored uslova definisanih Opštim uslovima ispunjeni i slijedeći uslovi (u daljem tekstu: Tehnički uslovi):
 - ako postoje tehnički preduvjeti rada usluge na telekomunikacijskoj priključnoj liniji Pretplatnika;
 - ako postoje slobodni mrežni kapaciteti.

3. Ugovaranje Moja TV Biz usluge

Član 3.

- (1) Ugovor za pružanje/korištenje Moja TV Biz zaključuje se na:
 - neodređeno vrijeme; ili
 - neodređeno vrijeme sa obaveznim trajanjem od 24 mjeseca, po osnovu čega Pretplatnik, ostvaruje pravo korištenja benefita u skladu sa ponudom BH Telecoma.
- (2) Pretplatnik ima mogućnost ugovaranja obaveznog trajanja iz stava (1) ovog člana sa probnim periodom od 30 dana, u toku kojeg ima pravo na raskid Ugovora bez naknade po osnovu penala koji proizilaze iz prijevremenog raskida ugovora sa obaveznim trajanjem. Pretplatnik u ovom slučaju raskida ima obavezu plaćanja pristupne i mjesečne naknade, naknade za korištenje dodatnih usluga, i svih drugih jednokratnih i mjesečnih troškova Pretplatnika proizašlih korištenjem usluge za taj period, u skladu sa Cjenovnikom i zaključenim Ugovorom.
- (3) Ukoliko Pretplatnik u toku probnog perioda ne podnese zahtjev za raskid zaključenog Ugovora najkasnije 30-ti dan od dana aktivacije Moja TV Biz, Pretplatnik će automatski nastaviti koristiti Moja

TV Biz po uslovima i cijenama utvrđenim u Cjenovniku, Specifičnim uslovima i odredbama zaključenog Ugovora čije je obavezno trajanje počelo teći od dana aktivacije Moja TV Biz.

- (4) Pravo na probni period imaju svi novi pretplatnici, i to jednom nakon isteka 12 mjeseci od prethodno korištenog probnog perioda na istoj lokaciji Moja TV Biz priključka.
- (5) Cijena uspostavljanja usluge, cijena mjesečne naknade, kao i svi drugi jednokratni i mjesečni troškovi Pretplatnika proizašli iz korištenja Moja TV Biz, ispostavljaju se na jednom mjesečnom računu za pruženu uslugu.
- (6) Mjesečna naknada koja se naplaćuje za korištenje Moja TV Biz paketa ne uključuje RTV taksu koja se plaća u skladu sa Zakonom o javnom RTV sistemu BiH.

4. Karakteristike Moja TV Biz usluge

Član 4.

- (1) Detaljan sadržaj Moja TV Biz usluge i dodatnih usluga, dostupni su u Cjenovniku i na zvaničnoj Internet stranici BH Telecoma.
- (2) Pretplatniku Moja TV Biz omogućeno je korištenje dodatnih TV usluga i usluga administriranja definisanih Cjenovnikom.

Član 5.

- (1) Pregled programske šeme određenog TV kanala moguć je putem EPG usluge (TV vodiča) u okviru menija od Moja TV Biz. Informacije o programskoj šemi određenog TV kanala zavise od pružaoca istog te su moguće promjene bez prethodne najave. Teletext je moguć kod svih TV kanala koji isti podržavaju.
- (2) Pretplatniku se omogućava nadzor sadržaja (eng. Parental lock) u okviru Moja TV Biz, što podrazumijeva onemogućavanje prikazivanja neželjenog sadržaja.
- (3) Interaktivni sadržaj u okviru Moja TV Biz podrazumijeva pristup interaktivnim sadržajima putem TV aparata.
- (4) TimeShift TV je usluga koja nudi Pretplatniku mogućnost gledanja snimljenih sadržaja TV kanala koje BH Telecom učini dostupnim. Pretplatnik jednostavnim izborom iz EPG-a može odabrati sadržaj koji je propustio u prethodnih nekoliko dana i istu pogledati onoliko puta koliko želi. Usluga je uključena svim korisnicima u osnovnom paketu, a o dostupnosti usluge za pojedine TV kanale korisnici se mogu informisati putem oficijelne internet stranice BH Telecoma ili putem kanala podrške.

5. Korištenje osobnih identifikacijskih brojeva za Moja TV Biz

Član 6.

- (1) Za potrebe korištenja Moja TV Biz, Pretplatnik dobiva tri osobna identifikacijska broja (eng. Personal Identification Number – PIN: dalje u tekstu „PIN“):
 - a) Identifikacijski broj (eng. Account ID);
 - b) Glavni PIN (eng. Master PIN);

- c) PIN za roditeljsku kontrolu (eng. Parental PIN).
- (2) Identifikacijski broj omogućava Pretplatniku aktivaciju usluge Moja TV Biz prilikom prvog korištenja.
- (3) Glavni PIN omogućava Pretplatniku da izvrši slijedeće radnje:
 - a) Aktivaciju Moja TV Biz usluge;
 - b) Postavljanje glavnih postavki.
- (4) PIN za roditeljsku kontrolu omogućava postavljanje funkcionalnosti roditeljske kontrole sadržaja.
- (5) BH Telecom daje Pretplatniku Glavni PIN i PIN za roditeljsku kontrolu s tim da su inicijalno oba PIN-a podešena na istu vrijednost (jednaka), a Pretplatnik ima mogućnost da putem menija na TV ekranu iste promijeni i podesi na proizvoljne vrijednosti.

6. Oprema/uređaji

Član 7.

- (1) BH Telecom će Pretplatniku Moja TV Biz paketa obezbjediti potrebnu pristupnu terminalnu opremu/ uređaje za funkcionisanje usluge (ova oprema ne podrazumijeva krajnji korisnički uređaj kao što je TV aparat.
- (2) Ukoliko je Pretplatnik Moja TV Biz paketa sa BH Telecomom zaključio Ugovor na neodređeno vrijeme bez ugovaranja obaveznog trajanja ugovornog odnosa na period od 24 mjeseca, i pri tome koristi set opreme, koja je u vlasništvu BH Telecoma, obavezan je plaćati naknadu za korištenje opreme u skladu sa Cjenovnikom.
- (3) Ukoliko je Pretplatnik Moja TV Biz paketa sa BH Telecomom potpisao Ugovor na neodređeno vrijeme sa obaveznim trajanjem od 24 mjeseca sa ili bez probnog perioda, oslobođen je plaćanja naknade za korištenje opreme u skladu sa Cjenovnikom. Po isteku obaveznog trajanja ugovora Pretplatnik nastavlja koristiti neophodnu opremu bez plaćanja naknade.
- (4) Sva oprema, data Pretplatniku na korištenje, ostaje trajno u vlasništvu BH Telecoma i održavanje iste je u nadležnosti BH Telecoma tokom cijelog perioda trajanja ugovornog odnosa.
- (5) Pretplatnik je dužan opremu, a koju je dobio na korištenje, čuvati i pri korištenju iste dužan je pridržavati se uputa BH Telecoma, kako bi se oprema održala u ispravnom stanju.
- (6) Ukoliko dođe do oštećenja uzrokovanih neprimjerenim korištenjem opreme Pretplatnik se obavezuje BH Telecomu nadoknaditi nastalu štetu.
- (7) U slučaju prestanka Ugovora, iz bilo kojeg razloga, Pretplatnik je dužan vratiti BH Telecomu korištenu opremu.

7. Promjena lokacije priključka

Član 8.

- (1) Promjena lokacije priključka na zahtjev Pretplatnika bit će omogućena pod uslovom da za istu postoje Tehnički uslovi te po uslovima i cijenama utvrđenim u Opštim uslovima i Cjenovniku.

- (2) Pretplatniku koji je zaključio ugovorni odnos sa probnim periodom od 30 dana, u skladu sa ovim Specifičnim uslovima, promjena lokacije Moja TV Biz priključka na zahtjev bit će omogućena po isteku probnog perioda i po uslovima iz ovog člana.
- (3) Ukoliko ne postoje tehnički uslovi za omogućavanje korištenja Moja TV Biz na traženoj geografskoj lokaciji, označenoj u Zahtjevu, BH Telecom će izvršiti isključenje pretplatničke terminalne opreme na ranijoj adresi, uz obavijest Pretplatniku o nemogućnosti realizacije promjene lokacije priključka i potrebi realizacije postupka prestanka Ugovora za korištenje Moja TV Biz.

8. Privremeno isključenje

Član 9.

- (1) Pretplatniku koji je zaključio Ugovor na neodređeno vrijeme, BH Telecom će na osnovu zahtjeva omogućiti privremeno isključenje, po uslovima i cijenama utvrđenim u Opštim uslovima i Cjenovniku.
- (2) Pretplatnik koji je zaključio ugovorni odnos sa obaveznim trajanjem sa ili bez probnog perioda, pravo na privremeno isključenje na zahtjev ostvaruje uz obavezu prethodnog izmirenja svih obaveza po osnovu obaveznog trajanja/probnog perioda ugovornog odnosa.
- (3) U slučaju privremenog isključenja iz razloga za koje nije odgovoran BH Telecom, Pretplatniku će se obračunati i naplatiti mjesečna naknada za Moja TV Biz, zakupljene dodatne usluge, te naknade za korištenu terminalnu opremu, ukoliko Pretplatnik u skladu sa Ugovorom ima obavezu plaćanja korištenja opreme.
- (4) Ponovno uključenje izvršiti će se po uslovima i cijenama utvrđenim u Opštim uslovima i Cjenovniku.

9. Obaveze Pretplatnika

Član 10.

- (1) Pretplatnik je odgovoran za primjenu svih sigurnosnih i drugih mjera potrebnih za zaštitu pretplatničke opreme, računarskih programa i podataka.
- (2) Pretplatnik je saglasan i daje BH Telecomu izričitu saglasnost za obradu onih podataka koji su nužni radi omogućavanja: pružanja Moja TV Biz usluga tokom ugovornog odnosa, pružanja dodatnih usluga, kao i obračuna i naplate, rješavanja žalbi Pretplatnika, te provjere kvalitete pružene usluge/a (tako na primjer: identifikacija korisnika – identifikacijski broj računa, MAC i IP adresa Moja TV uređaja identifikacijski i/ili PIN za roditeljsku kontrolu, vrijeme korištenja pojedine usluge, vrsta korištenog sadržaja i sl.) i to u roku potrebnom za realizaciju naplate potraživanja vezano za pruženu uslugu.
- (3) Pretplatnik se obavezuje držati u strogoj tajnosti te čuvati s osobito velikom pažnjom, pogotovo od neovlaštenog pristupa, sve lične identifikacijske brojeve, broj Ugovora, te ostale identifikacijske brojeve i/ili PIN-ove, korisnička imena/lozinke koje mu već jesu i/ili će mu biti dostavljene od strane BH Telecoma za vrijeme trajanja ugovornog odnosa s BH Telecomom.
- (4) Pretplatnik je isključivo odgovoran za svaku radnju, uključujući svako očitovanje volje dato pod bilo kojom od identifikacijskih oznaka Pretplatnika, koje će se smatrati radnjom isključivo onog

Pretplatnika kojemu je takva identifikacijska oznaka dodijeljena odnosno o čijoj se identifikacijskoj oznaci radi.

Član 11.

- (1) Pretplatnik garantuje da će Moja TV Biz koristiti poštujući autorska i druga srodna prava u pogledu sadržaja koji se uslugom prenosi.
- (2) Kršenje garancije iz ovog člana predstavlja bitnu povredu Ugovora Pretplatnika, te Pretplatnik odgovara BH Telecomu za svu štetu koja direktno ili indirektno nastane uslijed kršenja navedene garancije.

10. Ograničenje odgovornosti za sadržaj

Član 12.

- (1) BH Telecom nije odgovoran za sadržaj i formu sadržaja u okviru TV i radio kanala koji se nudi putem Moja TV Biz te ne provjerava čini li se sadržajem povreda nekog od zakonom zaštićenih prava što uključuje, ali nije ograničeno na prava sadržana u propisima o autorskim i srodnim pravima, propisima o pravu industrijskog vlasništva, propisima o medijima te propisima o zaštiti potrošača.
- (2) BH Telecom ne snosi odgovornost za eventualna privremena zatamnjenja pojedinih televizijskih programa, do kojih je došlo usljed poštovanja ekskluzivnih prava nositelja autorskog prava ili prava trećeg lica na emitovanje pojedinih sadržaja na teritoriji BiH. BH Telecom će na zahtjev emitera ili vlasnika programskih sadržaja izvršiti zatamnjenje programa uz informaciju korisnicima da je program zatamnen zbog neposjedovanja prava distributera za emitovanje sadržaja na području BiH.
- (3) BH Telecom nije odgovoran za nepostojanje oznake sadržaja za odrasle odnosno pogrešnu ocjenu sadržaja i njegovu kategorizaciju (eng. Parental guidance) te za posljedice nepostojanja oznake potrebne roditeljske pažnje i nepostojanja upozorenja da sadržaj nije primjeren djeci prema propisima koji regulišu audiovizuelne djelatnosti.
- (4) BH Telecom nije odgovoran za štetu koja nastane objavljivanjem sadržaja kojim se čini povreda nekog zakona zaštićenih prava.
- (5) BH Telecom nije odgovoran za bilo koju štetu koja bi mogla nastati kao posljedica netačnih, nepotpunih ili nepostojećih informacija o sadržajima programa ili vremenima emitiranja istih.
- (6) BH Telecom nije odgovoran za nemogućnost emitovanja sadržaja ukoliko je nemogućnost izazvana višom silom. Događaj više sile je događaj izvan kontrole i nezavisan od volje stranaka, koji se nije mogao predvidjeti ili izbjeći poduzimanjem odgovarajuće radnje. Događaji više sile uključuju, ali nisu ograničeni na: zemljotrese, poplave, rat, pobunu ili ratno stanje, štrajkove, onemogućavanje rada, bojkote i druge oblike prestanka rada, državni embargo, restrikcije, teroristička djela i slično.
- (7) BH Telecom zadržava pravo izmjene sadržaja, odnosno televizijskih programa sadržanih u Moja TV Biz, o čemu će blagovremeno informisati korisnike.

- (8) Pretplatnik se obavezuje da će koristiti sadržaj u skladu sa važećim propisima BiH, što uključuje, ali nije ograničeno na odredbe sadržana u propisima o autorskim i srodnim pravima te propisima o pravu industrijskog vlasništva.
- (9) Pretplatnik je saglasan da BH Telecom ima pravo u bilo kojem trenutku privremeno ograničiti ili uskratiti korištenje Moja TV Biz usluge, ukoliko Pretplatnik postupi suprotno odredbi iz prethodnog stava ovog člana. BH Telecom neće odgovarati za nikakvu štetu koja bi mogla nastati Pretplatniku zbog ograničavanja/uskraćivanja korištenja Moja TV Biz usluge.

11. Prestanak ugovornog odnosa

Član 13.

- (1) U slučaju prijevremenog prestanka ugovornog odnosa za Moja TV Biz u toku obaveznog trajanja od 24 mjeseca, na zahtjev ili krivicom Pretplatnika, Pretplatnik je obavezan platiti korištenje opreme/uređaja za onaj period u kojem je oprema korištena, tj. izmiriti sve mjesečne naknade za korištenu opremu, a za koje je bio oslobođen plaćanja u skladu sa Ugovorom, ali nije obavezan vratiti iskorištene popuste po osnovu korištenja kombinovane ponude sa netFlat / WLAN Host paketom.
- (2) Pored navedene obaveze iz prethodnog stava, u slučaju prestanka ugovornog odnosa na zahtjev ili krivicom Pretplatnika, Pretplatnik je obavezan ispuniti i sve druge obaveze u skladu sa Ugovorom, Cjenovnikom i Opštim uslovima, odnosno Pretplatnik je obavezan izmiriti sve redovno dospjele obaveze, kao i sve druge eventualno dospjele obaveze iz osnova obaveznog trajanja ugovornog odnosa.

13. Završne odredbe

Član 14.

- (1) Specifični uslovi dostupni su na prodajnim mjestima BH Telecoma i na službenoj internet stranici BH Telecoma www.bhtelecom.ba.
- (2) BH Telecom zadržava pravo izmjene ovih Specifičnih uslova u skladu sa primjenjivim propisima.
- (3) BH Telecom će ove specifične uslove i njihove kasnije izmjene i dopune objaviti i učiniti dostupnim na način utvrđen pravilima Regulatorne agencije za komunikacije Bosne i Hercegovine.